



Die Rietstok

Die 14^e Nuusbrief van SAWA Rietvallei

Desember 2009

Uit die Voorsitter se pen

Dis weer byna Kersfees en met dit kom vakansie verwagtinge van rus, kuier, swim en die natuurkoon geniet. Dit is wat ek as woonwa gebruiker, vakansie en ontspanning noem. Ons kan ongelukkig nie almal op verlof gaan nie. Ek hoop die wat wel weg gaan, dat julle dit gaan geniet!

"Time flies when you are having fun!!" So vinnig het 2009 verby gevlieg, dat ons binne 'n oogwink al weer by die kersboom staan. Die spoed waarmee tyd voortwoed, laat ons baie keer verarm agter, want ons verbeur die kans om die lewe ten volle te leef. Ons kan nou net terugkyk en besin oor die jaar wat verby is.

Ons het heerlik gekamp by nuwe en bekende kampe; die Rietstok het nuwe hoogtes bereik; die jaareindfunksie is met 'n skaapbraai en ander lekkerne geniet; en kampbywoning was oor die algemeen baie positief.

Waarna kyk ons vorentoe? Ons gaan gedurende 2010 weer 'n paar nuwe kampe bywoon (Mopani & Bosfontein). Ons wil ook kampe ondersteun waar ons minder tolgede moet opdok, om

sodoende naweekkostes te verminder en daardeur elke lid in staat te stel om kampe by te woon.

Die bestuur het ook 'n projek geloods om voormalige lede van Rietvallei na Nkwe te nooi om saam met ons te kuier. Ons sal graag, waar nodig, wil help met vervoer. Kontak sal met sulke lede gehou word deur die Rietstok aan hulle te stuur. Daardeur bly voormalige lede ook op hoogte van Rietvallei se aktiwiteite.

Ek wil graag vir Rietvalleiers daaraan herinner dat ons streek in Mei 2011 sy vyfde verjaardag vier. Die bestuur is reeds besig met 'n "dinksrum" om fondse vir die geleentheid in te samel en insette van Rietvalleiers sal ook verwelkom word. Ons doen tans 'n ondersoek na die musiekwêreld bv om 'n lokaal te huur, een of twee sangers te nooi en kaartjies vir die optrede te verkoop. Meer hieroor sal volgende jaar aan julle bekend gemaak word en daar sal ook 'n besigheidsplan voorgelê word.

Mag elke leerder sy eksamen met sukses slaag! Hoop die ouers van al die leerders is tevrede met die vrugte op hul saam "leer" en saam "skryf". 'n Geseënde Christusfees vir ieder en elke Rietvalleier, van klein tot groot, van jonk tot oud, word vir julle toegewens. Geniet die lekker vrugtekoek wat vir Suid Afrikaners sinoniem is met Kersfees. Dan wens ek en Anet dat elkeen 'n vreugdevolle en voorspoedige nuwe jaar sal ervaar!

Groete

Klaus



Rietvallei Bestuur 09/10

Voorsitter

Klaus Lübbert:
Postbus 904, Silverton, 0127
083-6883636
klubbert@lantic.net

Ondervoorsitter

Tjaart Klaasen
082-7856895
tjaartik@absa.co.za

Penningmeester

Lizette Schulte
084 585 2088
lizetts@absa.co.za

Sekretaresse

Trix van den Berg
082-9273267
bvdberg@plotnet.net

Redaksie

Elsabé Grobler
083 799 1645
groblerje@absamail.co.za

Addisionele lede

Reinier van den Berg
082 773 8922
reinier.vandenberg@webafrika.org.za

Rudie Crous
072 530 7150
rudie@activemusicdistribution.com

Seniorburger Verteenwoordiger

Fritz Crous
082 929 9945
elize@lexmail.co.za

Website:
www.sawa.org.za

Inhoudsopgawe

- Uit die Voorsitter se pen
- Pitkos – My Birthday
- Kampnuus
 - Weesgerus – 18 tot 20 September
 - Mutango – 23 tot 25 Oktober
 - Drie Berge – 20 tot 22 November
- Lief en Leed
- Toekennings
- Seniorburger Hoekie
- Kleilat
- Nuus vanaf Rietvallei Bestuur
- Knuppel Dik
- Lekker Lag
- 2009 Kampprogram
- 2010 Kampprogram
- Kalender – belangrike datums vir September & Oktober 2009



Aan elke Rietvalleier wat gedurende die jaar 'n bydra gelewer het tot ons Rietstok, 'n **BAIE BAIE GROOT DANKIE**.

Die Verdienstetoekenning vir die beste vordering met die nuusbrief wat aan Rietvallei toegeken is, is te danke aan die **"Rietvallei Familie"**.

Ek wil die volgende stellings waag. Rietvallei is nie 'n streek nie; Rietvallei bestaan nie uit lede nie; Rietvalleiers is nie elkeen vir hom/haarself nie.

Nee, ons Rietvalleiers is **EEN GROOT GELUKKIGE FAMILIE**. Ons bid saam; ons lag saam; ons huil saam; ons doen saam; ons speel saam; ons werk saam; ons eet saam, ons deel in mekaar se plesier asook in mekaar se eina's.

Daarom, aan my Rietvallei Familie, dis 'n groot voorreg om deel van hierdie besonderse familie te wees.

Kom ons koester hierdie voorreg en maak in 2010 hierdie

besonderse familie **DIE** familie in SAWA. **Red** 😊



My Birthday.....:

As you well know, we are getting closer to my birthday. Every year there is a celebration in my honour and I think that this year the celebration will be repeated.

During this time there are many people shopping for gifts, there are many radio announcements, TV commercials, and in every part of the world everyone is talking that my birthday is getting closer and closer.

It is really very nice to know, that at least once a year, some people think of me.

As you know, the celebration of my birthday began many years ago.

At first people seemed to understand and be thankful of all that I did for them, but in these times, no one seems to know the reason for the celebration.

Family and friends get together and have a lot of fun, but they don't know the meaning of the celebration. I remember that last year there was a great feast in my honour. The dinner table was full of delicious foods, pastries, fruits, assorted nuts and chocolates. The decorations were exquisite and there were many, many beautifully wrapped gifts.

But, do you want to know something? I wasn't invited.

I was the guest of honour and they didn't remember to send me an invitation.

The party was for me, but when that great day came, I was left outside, they closed the door in my face although I wanted to be with them and share their table.

In truth, that didn't surprise me because in the last few years all close their doors to me. Since I wasn't invited, I decided to enter the party without making any noise. I went in and stood in a corner.

They were all drinking; there were some who were drunk and telling jokes and laughing at everything. They were having a grand time.

To top it all, this big fat man all dressed in red wearing a long white beard entered the room yelling Ho-Ho-Ho! He seemed drunk. He sat on the sofa and all the children ran to him, saying: "Santa Claus, Santa Claus" as if the party were in his honour!

At midnight all the people began to hug each other; I extended my arms waiting for someone to hug me and do you know no-one hugged me.

Suddenly they all began to share gifts. They opened them one by one with great expectation. When all had been opened, I looked to see if, maybe, there was one for me. How would you feel if on your birthday everybody shared gifts and you did not get one?

I then understood that I was unwanted at that party and quietly left.

Every year it gets worse. People only remember the gifts, the parties, to eat and drink, and nobody remembers me.

I would like this Christmas that you allow me to enter into your life.

I would like you to recognize the fact that two thousand years ago I came to this world to give my life for you, on the cross, to save you.

Today, I only want you to believe this with all your heart.

I want to share something with you. As many didn't invite me to their party, I will have my own celebration, a grandiose party that no one has ever imagined, a spectacular party. I'm still making the final arrangements.

Today I am sending out many invitations and there is an invitation for you. I want to know if you wish to attend and I will make a reservation for you and write your name with golden letters in my great guest book.

Only those on the guest list will be invited to the party.

Those who don't answer the invite will be left outside. Be prepared because when all is ready you will be part of my great party.

See you soon. I Love you!

Jesus



Kampnuus

Weesgerus: 18 – 20 September 2009



WeesGerus

die naam sê alles!

Rudie & Mia is gelukgewens met hul nuwe wa! Nou kan hulle ook in 'n japtrap hul eie woonwa pak vir lekker naweke weg!

Klein Rolandi, net 6 weke oud, het haar eerste kamp bygewoon. Mens kon pa Reinier se borsmaat sien toeneem as iemand aandag aan sy kleinding gee.

Klaarblyklik was daar Vrydag 'Hamburgers' vir aandete, (on)gelukkig was die Kroontjies reeds agtuur knus in die vere.

Saterdagoggend se sonsopkoms was prentjie mooi, bosveld mooi. Met jou eerste koppie sawelyf



besef jy dis stil. Stil in en om jou. Dis dan wanneer jy jou koffie regtig proe, jy die sonstrale tussen die bome sien dans, die vars lug inasem. Dis mos kamp! Dis dan wanneer ek wonder: wie is ek om so bederf te word? Met jou tweede koppie sawelyf hoor jy die geroep van die duiwe, kwêvoëls en tarentale en kon jy die eerste kleingoed hoor lag.



jy die
einsté man sien kinders uit die
pad stamp sodat hy nader aan
die versiersuikerl kon kom en dit
boonop geniet!

Mia, Rudie, Wayne en
Annamarie was kort op sy hakke.
Die kinders was net so oulik! Die
res van ons het maar net geproe
en gekyk hoe die soet
kleur in

"Koekversier, ek wil dit
asseblief nie doen nie! Hoe
vervelig gaan dit nie wees
nie?" Frits Kroon se woorde,
al weke voor die kamp.
Dit was dus uiter snaaks as



visuele meesterstukke
gevorm word!

Dit was komies om die swembaddens vol spierwit lywe te sien. Daar was jou waarlik nie eens een wat 'n bietjie kleur aan die lyf gehad het nie! Van oud tot jonk het in die verhitte swembaddens baaljaar tot hul vingers en tone in rosyne verander het! Die kinders se skaterlag het die lug vol gehang.

Tragies is Oom Louis Meyer Saterdagmiddag vermoedelik aan 'n hartaanval oorlede. Vir 'n oomblik kon jy orals naby die badkamer groepies mense in die skemer sien saamdrom, vir 'n oomblik hoor hoe die hele kamp asem inhou... Ongelukkig sou dit Oom Louis se laaste kamp wees. Ons innige meegevoel aan sy familie en vriende.

Na afloop van Sondag se erediens het die meeste kamplede na die naaste Cadac laat spander. Oudergewoonte sou eiers, varkrepies en 'n sny brood of twee die enigste lafenis vir grommende hungerpyne bied.

Stadig maar seker het die kamp leeggeloop. Dankie aan almal wat betrokke was by die reëlings, ons het wraggies lekker Gerus!

Deur:

Tanya Kroon



Mutango 23 – 25 Oktober 2009



Vir die vierde keer hierdie jaar het die Rietvalleiers nuwe weivelde gaan soek en is hulle nie teleurgestel nie.

Vrydagmiddag het 20 gesinne en 4 besoekers hul huisgemaak onder die koeltebome van Mutango vir die begin van 'n heerlike naweek! Daardie aand was daar nie veel sprake van kuier nie, want kort na aandete, het ons amper natgereen tydens boekevat. Gelukkig was daar 'n paar gazebos om onder te skuil.

Saterdag was heerlik warm en die feit dat die swembad vêr van die kampplek af is, het nie die Rietvalleiers afgesit nie.

Trix het vinnig-vinnig vir die kinders 'n watergelybaan gereël.
(dis nou vir die GROOT en klein kinders).



Saterdagmiddag het ons 'n "photo walk" saam met Christo Serfontein gehad. Hy het ons bietjie meer ingelig oor die fynere kuns van foto's neem. Dit was omtrent 'n ervaring!

**Photo
walk
groepie**



Min wetende wat hy vir later die aand ingedagte gehad het.



Ons is Sondag weer bederf met sang (met Rudi se kitaar begeleiding) en 'n treffende boodskap deur Ds Marnette.

Die lang wag vir terugvoer van die 2009 kongres was toe nie verniet nie. Rietvallei het behoorlik uitgestaan met die meriete-toekennings wat ontvang is:



- **Johann & Elsabé Grobler** - Nasionale Meriete-toekenning: 25 jaar
- **Hans & Erna Koekemoer** - Nasionale Meriete-toekenning: 25 jaar
- **Diana Fourie** - Nasionale Meriete-toekenning: Webwerf
- **Helmut Lubbert** – Bedankingsertifikaat vir ontwerp van die 40 jaar fees embleem
- **Christo Serfontein** - Bedankingsertifikaat vir evaluering van die SAWA Foto-kompetisie
- **Streek Rietvallei** – Verdienste erkenning vir die beste vordering met die nuusbrief (Rietstok). Elsabé hou die trofee om haar tot nog verdere hoogtes aan te spoor.



Daarna het almal tee gedrink en koek geëet saam met die verjaardag manne (van links na regs in die foto):



*Chris Stander
24 Oktober
Neels de Klerk
25 Oktober
Frits Kroon
15 November*

"Kampkomidiante" vir die naweek was die Fourie en Botha gesinne.



Drie Berge : 20 – 22 November 09



Ek proe nou nog die smaak van borrelbad skuim en die reuk van gebraaide lamsvleis as ek terugdink aan hierdie heerlike naweek. Laat ek julle herinner aan hierdie onvergetlike naweek by Drie Berge - Brits.

Teen Vrydag middag laat was daar al reeds sommer 'n hele klomp woonwaens. Ander het eers gewag dat die weer moet opklaar en Saterdagoggend gearriveer.

*Ons Seniors wys hoe dit
gedoen moet word!!*



Vrydagaand het ons seniors die heerlikste pannekoek en “jaffels” voorgesit en so onder die druppels het oom Willem vir ons boekevat gehou.

Saterdagoggend het almal so stuk-stuk ontwaak met die wolke wat dreig om enige oomblik te reën.

Die reën het niemand se geesdrif gedemp nie en sommer gou-gou was die reuk van gebraaide spek en eiers oral te bespeur.

Ons het ook die wonderlike natuur geniet – veral die rivier wat so sterk gevloei het, het almal bewus gemaak van hoe wonderlik ons hemelse Vader dit geskep het. Drie Berge bly maar ‘n voortreflike woonwapark!!

Teen die middag het die bestuur begin roer om al die voorbereiding vir die aand se makietie te finaliseer en ook om die kinders se kersboom te reël. Daar was geswem en gegly en geëet en ge-geniet deur almal.

Onder: Nog nie te oud om in Kersvader te glo nie of was die rede dat tannie Ann eerder op sy skoot wou sit???



Links: Wie is hierdie vreemde witbaard omie? Beslis nie Kersvader nie – dis te vroeg.





Regs: Slapend ontvang ons jong Sawanantjie haar geskenkie

Die kinders kon self nader kennis maak met Kersvader. (glo dit of nie – ons eie Kersvader)

Links: Waar is my ouma wanneer ek haar nodig het???



Die waterglybaan met borrelbad skuim was eintlik vir die kinders gereël – maar wie meet kindwees aan ouderdom???



Links: Jaco in aksie. Hoop Trix het genoeg pynpille ingepak.





Links: Rudie en Mia wys hoe 'n goeie span hulle is.

Onder: Klaus wys die jong klomp dat daar nie teruggestaan hoef te word nie.



Teen ses uur het die reuk van die lam op die spit ons almal se monde laat water en het almal by die lapa bymekaar gekom en hul plekkies voorberei om die aand te geniet.




Links: Daar word uitgesien na 'n heerlike feesmaal wat deur Rietvallei Bestuur voorgesit word.

Ds Marnette het vir ons voorgegaan met skriflesing en gebed waarna die partytjie in volle swang was. Heerlike skaapvleis, geurige groentes, vars broodjies en slaaie om van te kies en te keur. Roomys met "marshmallows" en sjokoladesous mmmnnhh net wat die dokter voorgeskryf het. Selfs die mooiste geskenkies vir elke Rietvalleier om saam te neem.

'n Amerikaanse vendusie wat oom Neels en Trix vir ons hanteer het en ek moet sê as ons Trix gelos het, het sy die oord ook opgeveil Dit was groot pret!

Groot pret met die Amerikaanse vendusie. Almal bie en pryse word uitgedeel



Sondagoggend is daar traag opgestaan en is die hongerpyne sommer met jogurt, koffie en beskuit gestil.

Ds Marnette (one eie dominee) het weereens vir ons die boodskap gebring en ons het die verhaal van die verlore seun vanuit 'n ander hoek besigtig.

***Regs:
Oom Neels en tannie Rina
ontvang hul 100ste
algemene kampplaatjie***

Oudergewoonte is daar gekoek-en-tee na die erediens om al die nuuswaardighede aan te hoor.. ‘n Hoogtepunt was die oorhandiging van ‘n 100 algemeen kampplaatjie aan oom Neels en tannie Rina. Hierdie twee mense is vir ons almal ‘n inspirasie en is dit net n voorreg om hulle in ons streek te hê.



So het ons aan die einde gekom van ‘n 2009 vol pret en plesier. Almal was maar traag om op te pak en een vir een het die waens die pad huistoe aangedurf. Party van die nimmereinders het tot die laaste nog ‘n vleisie gebraai.

Een ding is seker – dit was'n naweek wat niemand sal vergeet nie.



***Tydens Sondagoggend se
afkondigings word daar
aandagtig deur Anet geluister
of man lief Klaus alles onthou
wat hy moet afkondig!***

Lief & Leed


Lief:

- Nog 'n Rietvalleiertjie maak sy opwagting - **Albert en Inge Gazendam** het op 19 Oktober 2009 die trotse ouers geword van hul 2de seun, **Lourens Dirk** (3.6kg). Baie geluk julle twee, mag hy julle baie plesier verskaf.



Leed:

- Voorbidding word gevra vir **Joan Reitz** sowel as **Henning Roets** se gesondheid.
- Klaus Lübbert** se moeder is gedurende Oktober oorlede sowel as **Elsabé Grobler** se vader. Sterkte!!
- Baie sterkte aan **Willie Breytenbach** wat gedurende Desember 'n rugoperasie moet ondergaan.
- Bedankings:** **Linda van Vuuren** bedank na die afsterwe van Daan aangesien sy na Krugersdorp verhuis. **Chris & Carlyn Delport** het 'n oorplasing na Jukskei Satelliet versoek.



Toekennings

Aansporingsplaatjies is deur die volgende lede ontvang:

Wie	Streek	Algemeen
Johann & Elsabé Grobler		175
Neels & Rina de Klerk	70	100
Ben & Alta van Eeden	50	
Willem & Marnette J van Rensburg	40	
Fritz & Etresia Crous		25
Jak & Jacqui Wagenaar	10	

Seniorburger hoekie

Van Oral tot Elders in 43 Nagte

(Frits Crous)

Op 16 Augustus 2009 vertrek Neels & Rina de Klerk vanaf Kempton-park en teen sononder was daar 8 woonwaens in Kroonstad bymekaar. Nog 6 waens sal by verskillende dorpe langs die pad by ons aansluit. Die beplande roete sluit dele van die Noord-Kaap, Weskus, Wes-Kaap, Overberg,



Suid-Kaap, Oos-Kaap asook die nasionale parke van hierdie areas.

Die groep bestaan uit Sawanante van Kemptonpark, Pretoria, Nylstroom, Piet Retief, Frankfort, Welkom, Bethal, Loskopdam, Nigel en Robertson. Alhoewel die ouderdom van lede wissel, ontbreek die groep nie van entoesiasme en spitsvondigheid nie.

Oor 45 nagte, 7 600km en ongeveer 10 000ℓ brandstof staan ons oor op 22 dorpe en kom in aanraking met nog 98 dorpe en stede wat ons deurry, verbyry of besoek.

Hierdie onvergeetlike ondervinding bewaar ons met foto's en herinneringe en dink ons terug aan:

Die grootheid van Bloemhofdam,


Die flaminke van Kimberley,

Die donkiemonument van Upington,

Die waterwiel van Keimoes,

Die pittigheid van die Pinkstal,

Die nietigheid van jouself in Augrabies,



Die wonder van die gousblomme van Nababeep,

Die vygies van Goegap,

Die sonsondergang van Strandfontein,

Die ertstrein op die brug by Lutzville,

Die uitgestrektheid aan die voet van die Van Rhyn's pas,
Die watervalle en skuinskoek
van Nieuwoudtville,
Die satynblomme van
Matjiesfontein,
Die steilte van die Gifberg,
Die wingerde van Klawer,
Die rotsvorms van die
Pakhuispas,
Die eenvoud van Wupperthal,
Die onbeskryflike gesig van
groen koring en canola lande
vanaf die Piekenierspas,
Die seervoëls van Langebaan,



Die geskiedenis van Saldanha,
Paternoster en Tietiesbaai,
Die plate van varkblomme by
Darling,
Die skoonheid van Franschoek,
Die skouspel van fynbosblomme
in Kirstenbosch,
Die grootsheid van Kaappunt,
Die mooiste kuslyn van
Gordonsbaai tot Pringlebaai,
Die wonder van fynbos wat
blom so vêr as die oog kan sien by Fernkloof,
Die Hemel en Aarde roete na Caledon,
Die botaniese tuin van Caledon,
Die kuns atmosfeer van Stanford,
Die walvisse van De Kelders,
Die eindlose koringlande van Napier en Bredasdorp,



Die mees suidelike punt van Afrika
by Agulhas,

Die grotte van Waenhuiskrans,

Die mooiste mooi van die
Tredouwspas,

Die afwesigheid van koue
waterkrane by Warmwaterberg,

Die branders van Tsitsikama,

Die rustigheid van die olifante van Addo,

Die diereparadys op die plato van Cradock,

Die berge van Seweweekspoort,

Die wonder van 'n pad oor 'n stroompie by Meiringspoort,

Die rustigheid van Karoo Nasionale Park,

Die netjiese tuine van die dorpie Van Der Kloof,


Die imborste van Petrusville,



Die koeksuster monument en die
uithouvermoë van die mense van
Orania,

Die onvermydelike "totsiens" in
Bloemfontein,

En nog vele, vele meer plekke
waar diewoordjie "mooi" te kort
skiet om die wonder van die natuur
te beskryf.



Ons dank ons hemelse Vader
vir die voorreg om Sy
handewerk te kan beleef
binne 'n organisasie soos
SAWA saam met Sawanante
wat omgee.



Kleilat



**Soek die verskille. Daar
is 6 verskille tussen die 2
Kersvaders. Kan jy hulle
sien?**



Nuus vanaf Rietvallei Bestuur

- **Streek Kiepersol** wat die 2009 kongres aangebied het word gelukgewens.
- **Naweektariefbepaling:** Rietvallei Streek werk op die volgende basis tydens tariefbepalings:

Jaarliks word die besprekings met die oorde gefinaliseer en tariewe bepaal

Tydens hierdie besprekings word daar beding vir afslag, maar nie alle oorde staan dit toe nie. Wanneer afslag so verkry word, trek die lid dus onmiddellik voordeel daaruit alvorens hy/sy betaal.

Dit gebeur wel dat oorde aanvanklik nie afslag toestaan nie, maar wanneer ons Saterdae die betaling doen, beding ons weereens daarvoor. Indien daar dan op daardie stadium afslag toegestaan word, word dit so aan die lede voorgehou en elke lid is dan self verantwoordelik om sy geld af te haal vanaf die Penningmeester. Die laaste wat dit gebeur het was Maart 2009 by Eastco, en slegs een lid het sy/ haar afslag opgeels.

Sommige oorde se tariewe word deurgegee sonder BTW terwyl ander dit insluit, wat veroorsaak dat tariewe verkeerdelik vertolk kan word, soos by Mutango 2009.

Tesame met naweektariewe word die onderstaande addisionele heffings gevoeg. Dit is 'n gebruik in Rietvallei wat so goedgekeur is deur die lede:

- ❖ R15 synde kostes te dek vir die kamplaatjie en graveerwerk wat uitgereik word vir bywoning van die spesifieke kamp.



R15 synde bydrae tot die jaareindfunksie. Hierdie reëling is ingestel om die finansiële las te verlig tydens ons jaareindfunksie. Voorbeeld: As die ete R140 per woonwa uitwerk, en daardie lid het 5 kampe gedurende die jaar bygewoon, dra hy dan R65 by tot die ete ($R140 - R75 \{R15 \times 5\} = R65$).

- **Gaste:** Lede moet dit asb onder hul gaste se aandag bring dat **Boekvat & Kategese** (DisCo) asook die **Erediens** op Sondae verpligtend is, aangesien SAWA op Christelike beginsels gebou is en dit dus deel van ons reëls en regulasies is.
- **Wit Olifantstafel:** Tydens ons Senior Burger streekkamp gedurende Maart 2010 te Nkwe word 'n Wit Olifantstafel gehou. Begin 2010 nuut deur jou kaste leeg te maak en onnodige items bymekaar te sit vir ons Wit Olifantstafel.
- **Noordelike Presidente Toer:** Meer inligting aangaande die toer is by Fritz Crous beskikbaar.

JAAREINDGEVOEL?!?!



GESTOPTE HOENDER

Toe ek hierdie resep ontdek, het ek gedink dit is perfek vir mense soos ek, wat sukkel om te bepaal of hoender gaar is of besig is om uit te droog. Probeer gerus.

Jy het nodig:

2,7 tot 3,5 kg hoender

1 koppie gesmelte botter

1 koppie stopsel (volgens smaak)

1 koppie ongekookte popcorn

Sout en peper

Dan maak jy so:

Voorverhit oond tot 180C. Smeer hoender goed met gesmelte botter, sout en peper. Vul hoender met stopsel en popcorn. Plaas in oondpan met nek na voorkant van oond. Luister vir pop geluide.....! Wanneer die hoender ontploff, die oonddeur oopskiet en die hoender met 'n spoed deur die lug vlieg, kan jy weet die hoender is gaar!!

Gedink ek weet niks van kook nie, né? –
Tjaart Klaasen



Lekker Lag

THE SHOEBOX

A man and woman had been married for more than 60 years. They had shared everything. They had talked about everything. They kept no secrets from each other except that the little old woman had a shoe box in the top of her closet that she had cautioned her husband never to open or ask her about.



For all of these years, he had never thought about the box, but one day the little old woman got very sick and the doctor said she would not recover.

In trying to sort out their affairs, the little old man took down the shoe box and took it to his wife's bedside.

She agreed that it was time that he should know what was in the box. When he opened it, he found two knitted dolls and a stack of money totaling \$95,000. He asked her about the contents.

'When we were to be married,' she said, 'my grandmother told me the secret of a happy marriage was to never argue. She told me that if I ever got angry with you, I should just keep quiet and knit a doll.'

The little old man was so moved; he had to fight back tears. Only two precious dolls were in the box. She had only been angry with him two times in all those years of living and loving. He almost burst with happiness.

'Honey,' he said, 'that explains the dolls, but what about all of this money? Where did it come from?'

'Oh,' she said, 'that's the money I made from selling the dolls.'



Kampprogram 2010

WANNEER	WAAR	KAMPKOMMANDANTE
22 - 24 Januarie	Mopani	Wim & Margriet vd Berg
19 – 21 Februarie	Tamboti Vreugde	Albert & Inge Gazendam Sieg & Annatjie Maritz
19 – 22 Maart	Nkwe	Senior Burgerkamp
2 – 5 April	Presidente	
21 – 23 Mei	Bosfontein	Wayne & Annemarie Botha Rudi Crous & Mia v Zyl
11 – 13 Junie	Monateng	Chris & Lizette Schulte Jacques & Marianna Marneweck
13 – 25 Junie	Noordelike Presidente Toer	Fritz & Etresia Crous Chris & Lizette Schulte
16 – 18 Julie	Bush Baby	Daan & Elize vd Berg Hennie & Annemarie Engelbrecht
20 – 22 Augustus	Atlanta (AJV)	Bestuur
10 – 12 September	Klein Paradys (Brits)	Willem & Marnette J v Rensburg Johann & Elsabé Grobler
24 – 26 September	Gebiedskamp	
8 – 10 Oktober	Kongres	
15 – 17 Oktober	Drie Berge	Klaus & Anet Lübbert Tjaart & Marietjie Klaasen
12 – 14 November	Koro-Koro	Bestuur

Let asb daarop dat Streekskampe in blou gemerk is.

Strandlopertjie

Die skrywer is Robert Peterson.

Sy was maar 'n skamele 6 jaar oud toe ek haar vir die eerste keer ontmoet het.

Ek ry gewoonlik die 4 kilometer af strand toe elke keer as ek voel dat die wêrelد vir my te klein begin word.

Sy was besig om 'n sandkasteel of iets te bou, en toe sy opkyk, kyk ek in die pragtigste blou ogies, so blou soos die see self. "Hallo", sê sy. Ek antwoord met 'n knik van die kop, nou nie huis in 'n bui om te bodder met 'n klein dogtertjie nie.

"Ek bou", sê sy.

"Ja, so sien ek. wat bou jy?" Ek gee nou nie huis om wat sy bou nie...

"Aag ek weet nie, ek voel maar net lus om in die sand te speel."

Die idee trek my nogal aan, en ek trek my skoene uit. 'n Strandlopertjie sweef verby.

"Dis 'n vreugde", sê sy.

"Dis 'n wat?"

"n Vreugde. Mamma sê dat 'n strandlopertjie vir 'n mens vreugde bring."

Die strandlopertjie verdwyn oor die duin. "Koebaai vreugde", mompel ek vir myself, "Hallo pyn!"

Ek draai om, om te loop. Depressie het aan my geknaag - my lewe was 'n gemors.

"Wat is jou naam?" Hierdie dogtertjie gaan nie maklik tou opgooi nie.

"Robert", sê ek, "Robert Peterson."

"Ek's Wendy ... Ek is ses."

"Hallo Wendy"

Sy giggle. "Jy's snaaks", sê sy.

Ek lag, ten spyte van die donker wolk wat oor my gemoed hang, en ek stap aan.

Haar klokhelder giggle-laggie volg my.

"Kom weer meneer P", skree sy, "kom sodat ons nog 'n gelukkige dag kan hê!"

Na 'n paar dae van onbeheerbare Boy Scouts, frustrerende vergaderings en 'n ou kranklike moeder, het die son eenoggend so vrolik geskyn dat ek die skottelgoedwater van my hande afgeskud het, en toe sê ek vir myself: "Robert, jy het 'n strandlopertjie nodig."

Die heerlike sout seelug wag vir my, en ek gryp my jas. Die windjie is ysig, maar ek stap aan en probeer die rustigheid van die strand

indrink, daardie rustigheid wat ek so bitter nodig het.

"Hallo meneer P," roep sy my, "wil jy kom speel?"

"Wat het jy in gedagte?" Ek voel half vies vir hierdie inbreuk op my gedagtes.

"Aag, ek weet nie ... Wat dink jy?"

"Wat van kennetjie?" vra ek half sarkasties.

Haar klokhelder laggie weerklink oor die strand. "Ek ken nie daai speletjie nie."

"Nou maar dan loop ons maar sommer."

Ek kyk af na die lewendige klein figuurtjie, en ek kan nie help om die delikate bleek gesiggie raak te sien nie.

"Waar bly jy?"

"Daar anderkant", sê sy, en sy beduiie in die rigting van 'n paar somerhuisies.

Dis baie snaaks, dink ek. Om in die winter in somerhuisies te kom bly .

"En waar gaan jy skool?"

"Ek gaan nie skool toe nie - Mamma sê ons is met vakansie."

Sy babbel aanmekaar terwyl ons met die strand afstap, maar my gedagtes is baie vêr weg.

As ek later huis toe ry, sê Wendy vir my dat dit 'n baie lekker dag was. Ek glimlag vir haar - snaaks genoeg voel ek ook sommer baie beter.

Drie weke later jaag ek af strand toe.

Dinge het nou net te veel vir my geraak, en ek is nie in 'n bui om eers vir Wendy te groet nie.

Ek sien iemand op die somerhuisie se stoep sit - seker Wendy se ma - en ek voel asof ek vir haar wil skree: "Hou jou dogtertjie asseblief vandag tuis!"

Ek stap gejaag, maar Wendy haal my in.

"Asseblief, nie vandag nie!", snou ek haar toe, "Ek wil vandag alleen wees!"

Sy lyk vandag onnatuurlik bleek en uitasem.

"Hoekom?" vra sy.

Ek gaan staan, draai om na haar toe en skree: "Want my ma is dood!" En skielik wonder ek waarom ek dit vir hierdie kind vertel.

"O", sê sy saggies, "dan is dit 'n slechte dag."

"Ja", sê ek, "én gister, én eergister, en ... aag gaan tog net weg!"

"Was dit seer?" sy kan net nie ophou nie.

"Was wát seer?" ek is moedeloos, met die dogtertjie en met myself.

"Toe sy dood is?"

"Natuurlik was dit seer!" kap ek terug, sonder om die bedoeling agter haar vraag te verstaan.

Ek draai om en stap haastig weg, versonke in my eie seer gedagtes.

'n Maand of wat later, toe ek weer op die strand kom, was sy nie daar nie.

Ek voel skuldig en skaam oor my gedrag, en ... ek het haar nogal gemis. Ek stap na die strandhuisie toe en klop aan die deur. 'n Vrou maak oop.

"Ek is Robert Peterson", sê ek, "ek mis jou dogtertjie só vandag, en ek het net gewonder waar sy is."

"O ja, meneer Peterson, kom in asseblief. Wendy het so baie van jou gepraat. Ek is so jammer dat ek toegelaat het dat sy jou pla. As sy 'n oorlas was - dan vra ek om verskoning"

"Aag nee wat, sy is so 'n borrelende klein dogtertjie."

En skielik besef ek dat ek werklik bedoel wat ek sê.

"Wendy is verlede week dood, meneer Peterson. Sy het bloedkanker gehad - het sy jou nie gesê nie?"

Skielik draai die wêreld om my, en ek gryp haastig vir 'n stoel. Ek is sprakeloos.

"Sy was so lief vir hierdie strand, en toe sy vra dat ons hierheen kom, toe kon ek nie nee sê nie. Sy het soveel beter hier gelyk, en hier het sy baie gelukkige dae gehad. Maar die laaste paar weke het sy baie vinnig agteruit gegaan." Haar stem bewe.

"Sy het iets vir jou gelos ... as ek dit net kan opspoor. Sal jy omgee om 'n bietjie te wag - ek soek dit net gou?"

Ek knik my kop - ek soek vir woorde - maar hulle ontbreek. Wat sê ek vir hierdie pragtige jong vrou?

Sy gee vir my 'n vuil koevert met "MR. P" op geskryf in groot kinderletters. Binne is 'n tekening in helder kleure - 'n geel strand; 'n blou see en 'n bruin voël, en onderaan die woorde: "n Strandloperdjie om geluk te bring"

Ek kon die trane nie keer nie, en hierdie klip-hart van my wat lankal vergeet het wat dit is om lief te hê, kraak en breek.

Ek neem Wendy se ma in my arms: "Ek is so jammer, so bitter, bitter jammer", is al wat ek kan uitkry, oor en oor, en saam huil ons.

Daardie kosbare prentjie is geraam, en hang in my studeerkamer.

Ses woorde - een vir elke jaar van haar kort lewetjie - sê vir my van harmonie, dapperheid en 'n onvoorwaardelike liefde.

'n Geskenk van 'n dogtertjie met see-blou oë en hare die kleur van seesand - sy het my geleer van die geskenk van ware liefde.

Hierdie is ware verhaal. Ons kan hieruit leer dat ons tyd moet maak om die lewe te geniet, en tyd moet maak vir mekaar.

Die lewe is so gekompliseerd - die gejaag en elke dag se probleme kan maak dat jy fokus verloor en van die dinge wat rêrig saak maak

vergeet.

gee aan Hom die eer.

Gaan gee vir die mense in jou lewe vandag 'n ekstra drukkie, net om te sê dat jy omgee en vir hulle lief is. Stap 'n draai in die tuin, en ruik aan die blomme. Drink die skeppingswonder van God in, en

EK BID VIR JOU 'N STRANDLOPERTJIE-FEESTYD TOE.

Red 

Rietstok Nuusbrief

- 😊 Die Rietstok nuusbrief is ook beskikbaar op SAWA se webtuiste (www.sawa.org.za).
 - 😊 Baie dankie aan almal wat bygedra het tot die nuusbrief.
Rietvalleiers, sonder julle vrolike kampe en bydraes kan daar nie 'n nuusbrief wees nie.
 - 😊 Stuur asb ALLE nuus asook fotos aan groblerie@absamail.co.za

Notas: